

000422

A8.9.186

黃氏底書八種

云南中医学院
藏书之章
图书馆

傷寒說意卷五

昌邑黃元狹坤載著

陽明經 虛證



提綱

陽明與太陰爲表裏陽盛則陽明司權太陰化燥而人胃府陰盛則太陰當令陽明化溼而傳脾藏人之本氣不一有胃實者有胃虛者胃實入府則燥熱而宜涼泄胃虛傳藏則溼寒而宜溫補大小承氣之證胃之實者五苓四逆之證胃之虛者實者是爲陽明病虛者名爲陽明而實則太陰也人知胃實者之無所復傳不知胃虛者之動入三陰傳變無窮也則承氣三湯可以生人於胃實可以殺人於胃虛未可混施也

陽明入太陰證

溇泄噦噫

陽明病胃陽旺者則當能食至燥矢結塞胃氣上逆乃噦不能
食若初傳胃府卽不能食是陽虛而胃寒也再見小便不利而
手足汗出是溼寒凝滯陽不內藏而發泄於四肢也四肢爲諸
塊之本故陽虛內寒之家手足常汗溼寒積聚必作固噦者衰
塊堅固石硬不軟溼寒漸結日久而成人之便後凝白寒滑成
塊而下者卽瘕之未固而後行者也此其大便必初硬後溇以
胃氣虛冷不能蒸水化氣水穀不別合同而下故成溇糞也宜
四逆湯溫其胃寒若不溫裏而反飲冷水以助其寒胃氣上逆
必生嘔噦若大吐大下後陽虛汗出醫見其外熱或以爲表證
未解復與之水以發其汗或以爲裏熱未清誤以涼藥攻之土
敗胃逆俱發噦噫緣其胃中寒冷不堪涼瀉之味伐其微陽也

中氣不能運

轉故

若噦噫而見腹滿便是太陰之證其前後二竅定有不利之處
蓋木主疏泄脾土溼陷肝木不達疏泄莫行故二竅不利溼無
泄路乙木鬱脹是以腹滿濁氣不得下達故衝逆而生噦噫視
其前後不利之部通其鬱塞則溼消滯散滿減噦除矣

衛虛無汗胃氣上逆欬嘔

陽明病法應多汗乃反無汗其身癢如蟲行皮中之狀者此以
其衛氣瓜虛不能外發鬱於皮膚之中蠕蠕欲動而不能暢達
於也若衛虛無汗而小便又利是陽氣下衰不能藏水也二三
日後陽氣愈衰上逆而生欬嘔手足厥冷者濁陰上填必苦頭
痛若但覺頭眩而不痛則逆氣在胸未全上頭欬傷咽喉必苦
咽痛其食穀而欲吐者陽虛而胃逆也宜吳茱萸湯人參大棗
補土而培中茱萸生薑溫胃而降逆若得湯而嘔吐反甚者乃

膽胃上逆而生鬱熱當先清其上熱也凡傷寒嘔多俱因湯證胃逆雖有陽明裏證不可攻之也

吳茱萸湯

吳茱萸 三兩 人參 一兩 火棗 十二枚 生薑 二兩
四錢

水七杯煎二杯溫服大半杯日三服

溼旺心下痞

太陽中風寸緩關浮而尺脈微腎氣必虛其人發熱汗出復惡寒而不嘔此太陽之表證未解也使其心下痞硬者此必醫誤下而陷表陽以致成塊痞非陽明也若其心下痞不因攻下並見發熱作渴惡寒已退者此是太陽表解轉屬陽明之府也蓋陽明府病胃氣上逆甲木不降二氣壅迫自能成痞不須攻下也其小便數者水利土燥大便必硬然尺弱腎寒不可攻下雖

不更衣十日亦無所苦也。卽渴欲飲水亦當少少與之。但以法救其乾燥而已。以其脾過是土溼木鬱而生風燥原非火盛宜五苓散泄溼而燥土也。

陽明病凡心下硬滿者皆是土弱胃逆卽太陰之痞證也。慎勿以寒藥攻之。攻之敗其中氣泄利不止者死。泄利止者脾陽來復乃可愈也。

寒熱脉緊

陽明中風發熱惡寒脉浮而緊是太陽之表證未解衛閉而風不能泄也。而口苦咽乾有少陽之經證。腹滿微喘有太陰之經證。緣陽衰土溼中氣不運胃氣上逆膽火鬱升故病象如此。此其表邪不解而裏陰復盛若誤下之必陽敗溼滋小便利而腹更滿也。如其發熱汗出不惡寒而反惡熱者是大陽表解而屬

陽明之府矣但既覺腹滿則其大陰溼旺雖經汗出其身必重
若譫汗以亡其陽則煩躁昏憤而作譫語若燒針以亡其陽則
煩躁恍惚而廢眠睡若誤下以亡其陽則土敗胃虛下焦客氣
遂動於胸膈心神擾亂懊憹不安宮城瘀塞舌上胎生宜梔
子豉湯湧其敗濁也若下後陰亡土燥渴欲飲水口乾口澀者
宜人參白虎培中而益氣泄熱而清金若脉浮發熱渴欲飲水
而小便不利者是土溼木鬱風動津耗而疏泄不行也且猪苓
湯二苓滑澤泄溼而燥土阿膠清風而潤木也

猪苓湯

猪苓 三錢五分 茯苓 三錢五分 澤泄 三錢五分 滑石 三錢五分 阿膠 二錢五分

水四杯先煮四味取三杯去渣入阿膠消化温服大半

杯日三服

汗下亡陽

陽明病發熱脈緊是太陽證口苦咽乾是少陽證汗出惡熱是陽明證此謂三陽合病而腹滿身重難以轉側則太陰之溼旺也象閉閣連澁而昏口不仁則陽明之虛也以脾主肌肉而開竅於口陽性輕捷陰性遲拙陽明負而太陰盛故身重而口拙面色垢汚則少陽之虛也以肝主色血暢則色鮮厥陰陰而少陽逆故木枯而色晦譫語遺溺是太陽之虛也以膀胱主藏陽藏則火秘而神清陽泄則水決而志惑少陰盛而太陽虛故遺溺而妄言陽虛如是若誤汗以亡陽則神敗而譫語若誤下以亡陽則煩上生汗而陽泄於頭面手足逆冷而陰旺於四肢危矣速宜補中溫下以回微陽若其自汗而不因汗下者是肺胃之熱蒸泄皮毛宜以白虎泄熱清金凡陽明病汗出多而渴者

便是人參白虎證慎不可與猪苓湯以汗多土燥猪苓湯復利
水而亡津也若使口中乾燥但欲飲水不欲下咽者此熱在經
而不在府經熱不泄此必致衄凡脉浮發熱口乾身燥而又復
能者此皆經熱而非府熱失於發表則爲衄也

譫語鄭聲

陽明病陽盛則作譫語陽虛亦作譫語其誤汗亡陽而譫語者
脉見短促則陽經而死脉自和者則陽復不死其譫語而直視
喘滿者則陽敗而上脫下清穀者則陽亡而下脫皆主於死蓋
陽盛之譫語是爲譫語陽虛之譫語是爲鄭聲鄭聲者言語重
復顛倒錯亂陽虛見此多主死也

汗出愈

陽明病脉浮而緊則表閉陽鬱必將遏其燥火而見潮熱目瞤

發作也若但浮而不緊則表疏衛泄寐時陽氣失藏必盜汗出也凡陽明病脈見浮緊便難作汗其初欲食是有穀氣大便自調小便不利是亦有水氣水氣盛則汗不出穀氣盛則汗出其人骨節疼痛翕翕如有發熱之狀此表邪閉束陽鬱欲發而熱未盛也忽然煩躁發狂渙然汗出而病解者是水氣不勝穀氣故表開而汗出水隨汗泄脈緊自愈矣

溼盛發黃

陽明病裏虛誤下敗其中氣陽不歸根肢體溫熱客氣上逆不至結胸心中懊懣飢不能食此膈下之陰與膈上之陽鬱蒸而生敗濁也陽爲陰格升泄失斂則頭上汗出宜梔子豉湯吐其瘀濁瘀濁不吐溼邪溼泆是發黃之根也凡陽明病面見赤色改是陽鬱不能外發以其胃氣之虛此宜發表不可攻重攻之

陽敗溼滋必小便不利發熱而身黃也陽衰溼旺一得汗溺疏
泄則溼去而土燥若汗尿不通溼無去路心中懊懣敗濁鬱蒸
則身必發黃也若被火薰不得汗出但頭上微汗而小便不利
身必發黃也蓋發熱出汗則溼熱消散不能發黃若但頭上汗
出頸下全無小便不利渴飲水漿此緣瘀熱在裏故作渴飲水
而汗尿不通溼熱外泄則身必發黃宜茵陳蒿湯泄熱而除溼
也若其脉遲者陽虛陰盛食不甘味難以至飽飽則水穀不消
微生躁煩頭眩腹滿而小便不利此欲作穀疸之象穀疸者傷
水穀而發黃也雖下之腹滿如故不爲之減以其脉遲而陰盛
也

三陽合病發黃

陽明中風其脉弦浮而大浮者太陽之脉大者陽明之脉弦者

少陽之脉是三陽之合病也而短氣眩滿則有太陰證太陰溼
土鬱而生熱一身及於面目悉發黃_也鼻乾尿澁潮熱嗜臥時
時噦噫不得汗泄此陽明之燥奪於太陰之溼也而非有少陽
之邪不應鬱迫如是少陽之脉自胃口而走脇肋溼旺胃鬱逆
走少陽降路甲木逆行而賊戊土兩經痞塞則心脇皆痛久按
之而氣不通少陽脉循兩耳經氣衝寒耳前後腫刺之少差而
外勢不解病十日之外脉之弦大續變而爲浮者是雖內運陽
明之府太陰之藏而實未離少陽之經也宜小柴胡湯外泄少
陽之經邪內補太陰之藏氣若但浮而不弦又無少陽諸證者
則病在太陽之經宜麻黃湯但發太陽之邪汗出溼散則黃退
矣若腹滿尿癰而加以嘔噦此土敗胃逆不可治也

陽明少陽合病

陽明病外發潮熱而大便秘澀小便自可胸脇滿硬不消者是
胃氣上逆膽經不降少陽甲木之賊戊土也宜小柴胡湯泄少
陽之經邪補陽明之府氣又或脇下鞭滿不大便而嘔吐舌上
白胎者此亦少陽之賊戊土也以胃土受盛乘以甲木之邪府
氣鬱遏受盛失職水穀莫容非泄則吐甲木衝塞上焦不通津
液痰濁則舌起白胎心竅於舌津鬱於心故胎見於舌肺主津
其色白也宜小柴胡湯泄少陽之經邪補陽明之府氣經邪鬆
陽則上焦通而津液降胃氣調和汗出表解矣

昌邑黃元御坤載著

少陽經

提綱

少陽從相火化氣其經在陽明之次筋脈之分起目銳眥循耳
下頸自胸膈由脇裏出外踝循足跗而走名指病則經氣壅
迫不能順降故胸痛脇痞相火上炎故口苦咽乾陽氣升浮是
以目眩濁氣衝塞是以耳聾位在二陽之裏三陰之表陽盛則
熱陰盛則寒故往來寒熱其視三陽之經陽氣方長故其脈弦
細傷寒中風一日太陽二日陽明三日則傳少陽然而三日少
陽而不大陽明之府太陰之藏則無少陽諸證六日經盡汗出
表解不能自解則以麻黃桂枝發之大小柴胡不必用也考內

傳藏府外連少陽之經然後顯少陽諸證其始得不必三日其病解不必六日大小柴胡之的證與太陽之麻桂無關矣

少陽小柴胡湯證

風寒感傷太陽之經未經汗解外而太陽陽明之經迫束於表內而太陰陽明之氣壅遏於裏少陽之經在二陽三陰表裏之間鬱遏不暢裏陰盛則外閉而爲寒寒往而熱來表陽盛則內發而爲熱熱往而寒來少陽之經自頭走足由胸脇而下行表裏壅塞不得下行經氣盤鬱故胸脇痞滿甲木逆侵戈上被戕胃氣困乏故默默不欲飲食胃以下行爲順因於木邪逆而上行容納失職則生嘔吐少陽以甲木而化相火相火升炎則生煩渴肺金被刑則生咳嗽甲木失根鬱衝不宣則腹中痛楚心下悸動是皆表裏不和少陽結滯之故宜小柴胡湯柴芩清其

法也

其半裏半夏其逆薑棗和其中此表裏雙解之

小柴胡湯

柴胡二兩 黃芩一兩 人參一兩 半夏一兩 生薑一兩

大棗十二枚 甘草一兩

水十二杯煎六杯去渣再煎三杯溫服一杯日三服

若胸中煩而不嘔去半夏人參加枳實若渴去半夏人

參加栝蒌根若腹中痛去黃芩加芍藥若脇下痞硬去

大棗加牡蠣若心下悸小便不利去黃芩加茯苓若不

渴外有微熱去人參加桂枝覆衣取微汗若咳去人參

大棗生薑加五味子乾薑

少陽連太陽經證

傷寒論意 卷六
 作寒四五日身熱惡風頸項強直脇下脹滿手足溫暖發渴而
 作嘔者是皆少陽之經鬱遏不降逆行而賊戊土土木壅塞結
 而不開也俱宜小柴胡湯凡服柴胡但見少陽一證便是不必
 具也若傷寒六七日肢節煩痛微作嘔吐少陽陽明兩經相
 心下支結旁連脇下倘發熱而微惡寒便是太陽之表證未
 解宜柴胡桂枝湯兼治太陽之經也凡太陽病若遲至十日之
 外脈浮細而嗜臥者是太陽之表證已解而入少陽之經少陽
 之脈弦細不或上困則善眠也設其胸滿腹痛者則是少陽無
 疑宜與小柴胡湯若脈但浮而不細者則全是太陽而無少陽
 宜與麻黃湯發其太陽之表不必日久為疑也

柴胡桂枝湯

- 柴胡 一兩
- 黃芩 五錢
- 人參 五錢
- 半夏 半夏
- 芍藥 八錢
- 甘草 三錢

生薑 五錢
大棗 六枚
桂枝 五錢
芍藥 五錢

水七杯煎三杯溫服一杯

少陽入陽明府證

傷寒寸脈見澁便是少陽甲木不舒尺脈見弦便是厥陰乙木不達乙木下鬱則生風甲木上鬱則生火風動火炎木氣枯燥脾胃被剋法當腹中急痛宜先用小建中湯膠飴甘棗補脾胃之精氣薑桂芍藥散肝膽之風火若不差者仍與小柴胡湯溫其半表而清其半裏也凡服柴胡湯已而見燥渴者此屬陽明之府熱當以法治之清其府熱也平素嘔吐之家不可與建中湯以甘溫之動嘔也凡太陽少陽合病必見嘔利緣甲木壅遏則剋胃土胃府鬱迫不能容受是以吐瀉吐瀉者少陽傳陽明之府也其自下利者宜黃芩湯甘草大棗補其脾精黃芩芍藥

泄其相火也其嘔者宜黃芩加半夏生薑湯降其逆氣也若傷
寒發熱汗出而病不解心中痞硬嘔吐下利者是少陽傳陽明
之府也宜大柴胡湯柴胡解少陽之經枳黃泄陽明之府雙解
其表裏也若太陽證過十餘日之久心中溫溫欲吐大復稀溲
胸痛腹滿鬱鬱欲煩甚似少陽傳府之大柴胡證如前因自極
吐下而成者則是少陽已傳陽明之府府病已全經證微在可
與調胃承氣湯無用柴胡也以少陽之傳陽明經邪外束府氣
內遏胃不能容必作嘔吐及其府熱盛發蒸而爲汗汗則表解經
舒吐下皆止此雖吐下未能盡止然欲嘔微溲僅存少陽餘證
柴胡不可用矣故與承氣若非由自極吐下得者則胸痛腹滿
便唐欲嘔便是太陰證勿與承氣也

小建中湯

桂枝 二兩 芍藥 七錢 大棗 十二枚 甘草 七錢 生薑 一兩
膠飴 三兩

水六杯煎三杯日再服夜一服

黃芩湯

黃芩 一兩 芍藥 七錢 甘草 七錢 大棗 十二枚

水十杯煎取三杯溫服一杯日二夜一

黃芩加半夏生薑湯

於前方加半夏 一兩 七錢 生薑 一兩

煎服如前

大柴胡湯

柴胡 二兩 黃芩 一兩 半夏 一兩 生薑 一兩 大棗 十枚
芍藥 七錢 枳實 四錢 大黃 七錢

水十二杯煎六杯去渣再煎三杯溫服一杯日三服

經府雙解

傷寒五六日頭上汗出微覺惡寒手足逆冷心下脹滿口不欲食大便堅硬脈緊而細者此爲少陽陽明兩經之微結以兩經鬱迫結於胃口故心下脹滿不能甘食此必有少陽之表證復有陽明之裏證其汗出惡寒肢冷心滿者表證也大便秘堅硬者裏證也蓋兩經合病土不勝水必傳胃府府證未全則經證不罷故定有裏證復有表證若純是裏證則府熱外蒸手足汗流惡寒悉退無復少陽表證矣今頭汗惡寒肢冷心滿現有少陽表證不得純謂之裏其脈候沉緊手足厥冷亦不得謂少陰以少云無汗既頭上汗出其非少陰甚明此半表半裏大柴胡證也此可表裏分治先以小柴胡解其少陽之經邪設表解而明

了再以承氣泄其陽明之府邪燥糞一去則府熱清矣

少陽傳裏

少陽之經在二陽之內三陰之外陰陽相平不入藏府則其傳
三陽之經六日汗解不解則以麻桂發之非柴胡湯證也若陽
盛而傳陽明之府陰盛而入太陰之藏經證未罷是謂半表藏
證府證未全是謂半裏半表半裏雙病故用大小柴胡雙解若
傷寒三日病在少陽而其脉小者是相火非旺不入胃府經盡
表解病欲自已也若傷寒三日病在少陽既不陽盛入府則當
陰盛入藏使其人反能食不嘔此爲中氣未衰三陰不受邪也
若傷寒六七日當經盡表解之時其人大熱而煩躁者便是傳
府之候如無大熱而其人煩躁者是爲入藏之機蓋陰動則陽
離神氣升泄浮越無歸故生煩躁也

熱入血室

婦人中風發熱惡寒而值經水適來得病七八日後脈遲熱退身涼似乎表解矣乃胸膈之下滿如結胸而作譫語者此爲熱入血室蓋其經熱乘血海方虛之時離表而歸裏也宜涼血清肝泄其相火又如中風七八日續得寒熱往來而值經水適斷者此亦爲熱入血室其血必結血結經瘀遏閉少陽之氣陽陷則陰束而生外寒陽升則火炎而生內熱故使寒熱如瘧按時發作宜小柴胡湯清其經熱也又如傷寒發熱而值經水適來晝日明了夜則譫語如見鬼狀者此亦爲熱入血室蓋血爲陰夜則陽氣入於陰分血熱發作故譫妄不明宜泄熱清肝以退相火但邪熱在下治之無犯胃氣及上焦清氣則自愈也

傷寒說意卷七

少陽經壞病

提綱

少陽在陰陽之交表裏之半忌發汗吐下泄其陰陽陽虛而入
太陰之藏陰虛而入陽明之府是爲少陽壞病如太陽病不能
汗解轉入少陽脇下硬滿乾嘔不食往來寒熱若尙未吐下其
脈沉緊者全是小柴胡證宜與小柴胡湯若已經發汗吐下溫
針以致譫語不明柴胡證罷此少陽之壞病也審其汗下溫針
所犯何逆以治之救其壞也

少陽壞病入陽明證

汗後心悸

昌邑黃元御坤載著

傷寒脈候弦細頭痛發熱者是屬少陽少陽以甲木而化相火不可一發汗汗亡心液火炎神亂則使譫語便是裏入胃府胃和則愈胃府燥熱不和則君相升浮搖蕩不安煩而且悸也以相火下則神魂寧謐而相火順降全憑胃土胃土若和陽氣清涼而也金水收藏政是以陽秘而不泄胃土不和煩熱升發甲木其降拔根上炎神魂失歸故煩亂而悸動也凡傷寒二二三日其心中悸動而煩擾者是陽明土燥相火不歸救根上炎欲傳胃府宜小建中湯滋燥土而清相火也若傷寒脈結代心動悸者是相火升炎血枯太燥經絡梗澀也宜炙甘草湯參甘大棗補中培土膠地麻仁滋經潤燥薑桂行其瘀澀麥冬清其燥熱也

炙甘草湯

炙甘草四兩

人參七錢

桂枝一兩

生薑一兩

大棗十二枚

生地黄六兩

阿膠七錢

麥冬一兩

麻仁一兩

清酒七杯

水八杯先煮八味取三杯去渣入阿膠煎化

溫服一杯日三服

表裏雙解

本柴胡湯證法不宜下而誤下之柴胡證罷此為壞病若柴胡證不能者復與柴胡必蒸蒸而振搖卻發熱汗出而解以下傷

胃土衛氣不能遽發故振慄動搖而後汗出表解邪退未為壞

也如過經十餘日又二三下之四五日後柴胡證應罷矣若柴

胡證仍在者先與小柴胡以解其外若嘔吐不止心下急迫鬱

鬱微煩者此陽明之府束於少陽之經表裏合病宜大柴胡湯

表裏雙解也如傷寒十三日不解期過再經胸脇脹滿作嘔日

嘔潮熱服下藥不解已而微利此本大柴胡證下之不利今反
問者知醫以丸藥下之遺其表證表邪不解內熱復鬱故雖利
愈此非其治也其潮熱者胃陽之實宜清其裏但胸脇脹
嘔泄是外有經證先以小柴胡湯解外復以芫而加芒
清裏熱也

柴胡加芒硝湯

柴胡

二兩

黃芩

一兩

人參

一兩

半夏

六錢

甘草

一兩

大棗

十二枚

芒硝

二兩

煎服如小柴胡法不解更服

下後心驚

凡少陽中風兩耳無聞目睛色赤胸滿而心煩者是胃氣上逆
賊於甲木不可吐下吐下則甲木升搖悸而且驚蓋甲木化氣

於相火隨肺胃下行而歸命門相火下蟄故上竅清虛耳自聰
明中虛胃逆肺金失斂甲木無下行之路濁氣填塞則耳聾相
火上炎則目赤甲木刑胃上腕鬱迫則胸滿甲木失歸相火升
炎則煩生吐下傷其中氣肺胃愈逆甲木拔根魂浮膽怯是以
悸而且驚也若傷寒八九日醫誤下之以致胸滿心煩驚悸譫
語小便不利一身盡重不可轉側者是上傷中氣溼動胃逆膽
木拔根神魂不謐相火升炎鬱生上熱也而經邪未解表裏皆
病宜柴胡加龍骨牡蠣湯茯苓去濕大黃泄熱人參大棗補中
半夏鉛丹降逆龍骨牡蠣斂其神明薑桂柴胡行其經絡也

柴胡加龍骨牡蠣湯

柴胡

一兩

五錢

半夏

七錢

生薑

五錢

大棗

六枚

大黃

三錢

五錢

牡蠣

七錢

桂枝

七錢

茯苓

五錢

鉛丹

五錢

水八杯煎四杯入大黃切如碁子煮一二沸去渣溫服
一杯

少陽壞病大大陰證

汗下後寒溼發黃

傷寒六七日已經發汗而復下之士敗胃逆膽木壅寒以致胸
脇滿結小便不利煩渴不嘔往來寒熱但頭上汗出者上熱中
寒外顯少陽陽明之鬱衝內隱太陰厥陰之滯陷宜柴胡桂枝
乾薑湯柴胡黃芩清相火而除寒熱牡蠣括蕁消滿結而解煩
渴薑甘溫中而補上桂枝疏木而達鬱也若得病六七日脈遲
而浮弱惡風寒手足溫腹是太陽中風飲傳太陰之藏也醫
二三下之敗其胃氣不能飲而少陽不降脇下痛滿筋脈不

榮頸項強直土溼木遏小便不利面目身體悉發黃色此陰盛
陽虛膽胃鬱衝清氣滯陷一與柴胡寒泄脾肝清氣愈陷後必
下重凡渴而飲水卽嘔者便是太陰溼旺柴胡不可與也飲水
嘔者食穀必穢以其胃氣之敗也

柴胡桂枝乾薑湯

柴胡

二兩

黃芩

一兩

甘草

七錢

桂枝

一兩

乾薑

二兩

社蠟

一兩

括蕪根

一兩

四錢

水十二杯煎六杯去渣再煎三杯溫服一杯日三服初

服微煩復服汗出卽愈

少陽壞病結胸痞證

誤下成結胸

太陽與少陽併病頭項強痛或相火升浮而生眩冒時如結胸

傷寒論卷之九
心下痞硬者此少陽陽明之經上逆而壅塞也當刺肺俞肝俞
泄其鬱結慎勿發汗汗亡津液則相火燔騰而生譫語血枯木
燥而脈弦梗若五六日譫語不止宜刺期門以泄厥陰肝膽同
氣泄肝即所以泄膽也汗既不可下亦非宜汗下傷中甲木衝
逆此結胸之由來也若太陽少陽併病而反下之致成結胸心
下鞭滿泄利不止水漿不下此少陽經氣逆上而迫束陽明之
府也相火升炎其人必苦心煩凡傷寒十餘日熱結在裏而有
陽明府證復往來寒熱而有少陽經證宜大柴胡湯雙解表裏
若但有結胸而外無大熱者此爲停水結在胸膈也觀其頭上
微汗出者是水飲阻格陽氣升泄於上宜大陷胸湯泄其溼熱
也

誤下成痞

傷寒五六日嘔而發盡者柴胡湯證備具而設以他藥下之若柴胡證仍在者俱與胡胡陽必蒸蒸振慄發熱汗出而解此雖誤下未為逆也若心下硬滿疼痛者此為下早而成結胸也宜服木陰胸湯若但鞭滿而不痛者此為誤下而成痞也宜半夏瀉心湯

半夏瀉心湯

半夏一兩 人參一兩 乾薑一兩 甘草一兩 黃芩一兩

黃連三錢 大棗十二枚

水十杯煎六杯去渣再煎三杯溫服一杯日三服

傷寒說意卷八

昌邑黃元御坤載著

太陰經

提綱

太陰以溼土主令其經起足大指循足踝人腹上膈挾咽喉而
連舌本太陰爲三陰之長太陽經病不解營衛內鬱自陽明而
少陽四日必傳太陰之經若藏陰素旺則不拘何日自經大藏
大藏則必須溫裏解表不能愈矣仲景立太陰以及少陰之篇
皆大藏之裏病非四五口之經病也

痛滿吐利

太陰與陽明爲表裏而升降不同燥溼異性燥不偏盛則陽明
右降而化濁陰溼不偏盛則太陰左升而化清陽表裏均平是

以不病陽明病則胃燥而氣逆故多嘔吐太陰病則脾溼而氣陷故多泄利以脾陷而肝氣不達鬱迫擊衝是以痛滿而泄利脾肝鬱陷則膽胃上逆是以嘔吐而不食陽明胃病之吐利緣燥熱之鬱太陰脾病之吐利因溼寒之旺若下之陽亡土敗胃氣愈逆阻隔少陽降路痞塞不開必心下結硬陽明下早陽陷於胸膈爲陰氣所阻則爲結胸太陰誤下陰逆於心下爲陽氣所拒則爲痞證

太陰四逆湯證

太陰病自太陽傳來其脈浮者表未解也可以發汗宜桂枝湯若發熱頭痛身體疼痛是太陽表邪未解法宜桂枝乃脈反見沉便是太陰藏病當溫其裏宜四逆湯甘草培於上乾薑附子溫中而暖下也凡下利清穀則病已入裏不可發表汗之亡陽

土敗溼旺木鬱必生脹滿也下利脹滿有裏證者不可發表身
體疼痛有表證者亦當溫裏非表病可以不解也若身體疼痛
而下利脹滿表裏皆病當先溫其裏後攻其表溫裏宜四逆湯
攻表宜桂枝湯也陽明泄利津清亡失多病燥渴若自利而不
渴者則屬太陰藏病以其藏有寒故也法當溫之宜四逆輩綠
水泛土溼少陰之寒傳於衣陰故脾藏有寒也

四逆湯

甘草七錢 乾薑三錢 附子一枚

水三杯煎半杯溫服強人可大附子一枚乾薑一兩

腹滿腹痛

傷寒胸中有熱胸中有肝膽之邪肝邪剋脾則腹中疼痛膽邪
剋胃則欲作嘔吐是中脘虛寒肝脾下陷而膽胃上逆相火鬱

升而生上熱也宜黃連湯黃連清上逆之相火桂枝達下陷之
風本乾薑溫脾家之寒半夏降胃氣之逆參甘大棗補中脘之
虛若本太陽之表病醫不解表而反下之士虛木賊因而腹滿
時痛者是屬太陰藏病宜桂枝加芍藥湯桂枝達肝氣之鬱芍
藥清風本之燥也其大實痛者風木賊土鬱結成實宜桂枝加
大黃湯泄其土鬱也太陰爲病而脈侯軟弱便是脾陽之虛其
人續自便利設當用大黃芍藥者宜減之以其胃氣虛弱而易
動也

黃連湯

黃連 一兩 桂枝 一兩 甘草 一兩 乾薑 一兩 人參 七錢

半夏 一兩 大棗 十二枚

水十杯煎六杯去渣再煎三杯溫服一杯日一夜二服

桂枝加芍藥湯

桂枝一兩 甘草七錢 生薑一兩 大棗十二枚 芍藥二兩

煎服如桂枝湯法

桂枝加大黃湯

桂枝一兩 甘草七錢 生薑一兩 大棗十二枚 芍藥二兩

大黃三錢五分

水七杯煎三杯溫服一杯日三服

發黃

傷寒脈浮而緩手足自溫者是謂太陰藏證太陰溼土為表邪

所閉身當發黃若小便自利者溼隨便去則不能發黃此是脾

陽未衰至七八日間雖見大陰自利之證必當自止以脾家內

實腐穢不容當後泄去非自利益甚之證也若傷寒七八日身

黃如橘子色小便不利腹微滿者是溼無泄路瘀而生熱宜茵
陳蒿湯泄其溼熱也凡傷寒瘀熱在裏身必發黃以木主五色
入土化黃土溼則木鬱木鬱於土必發黃色宜麻黃連翹赤小
豆湯外泄皮毛而內泄浮熱也若傷寒身黃而發熱者是瘀熱
之在表也宜梔子柏皮湯清表中之溼熱也若傷寒發汗之後
身目皆黃則是溼寒而非溼熱以汗則熱泄故也此慎不可下
宜用燥溼之藥也

茵陳蒿湯

茵陳蒿

二兩

梔子

十四枚

大黃

七錢

水十杯先煮茵陳減二杯入二味煎三杯分服小

便當利尿如皂角汁狀色正赤一宿腹減黃從小便去

也

云南中医学院
藏书之章
图书馆

麻黃連翹赤小豆湯

麻黃七錢 連翹七錢 生薑七錢 甘草七錢 大棗十三枚

杏仁十枚 赤小豆一杯 生梓白皮四錢

水十杯先煎麻黃去沫入諸藥煎三杯分三服

梔子柏皮湯

梔子十五枚 甘草三錢 黃柏三錢 皮三錢

水四杯煎二杯分温二服

傷寒說意卷九

昌邑黃元御坤載著

少陰經

提綱

少陰從君火化氣其經起足小指走足心循內踝貫脊上膈入
肺中循喉隴而掖舌本太陽經病不解自表傳裏以至陽明少
陽大陰五日則傳少陰之經然但傳少陰之經不入少陰之藏
此陽不衰而陰未盛者陰盛則自經而入藏不化氣於君火而
化氣於寒水蓋少陰一氣水火同宮病則水勝而火負故第有
癸水之寒而無丁火之熱陽虧陰旺死灰不燃是以脉微細而
欲寐身踈臥而惡寒也

少陰連太陽經證

少陰水藏病則脉沉而惡寒若始得之時脉已見沉而反覺發熱者是少陰藏病而太陽經病未解也宜麻黃附子細辛湯麻黃散太陽之經附子溫少陰之藏細辛降腎氣之逆也凡少陰病得之二三日內表證未解者宜麻黃附子甘草湯微發其汗以二三日裏證未成而表證未解則藏陰愈鬱而愈盛故以麻黃水甘草培土麻黃微汗以解表也

麻黃附子細辛湯

麻黃 七錢 細辛

七錢 附子 一枚 炮去皮破八片

水七升 先煮麻

黃減二杯去沫入諸藥煎三杯溫服之

杯日三服

麻黃附子甘草湯

麻黃 七錢 甘草

七錢 附子 一枚 炮去皮破八片

水七杯先煮成
黃去沫入諸藥煎三杯溫服一杯

發汗亡陽

少陰病脈見微細則經陽虛弱不可發汗汗則亡陽故也
經於經而尺脈弱溫者則陽虛於藏復不可下之也若少陰病
以嘔而不利譫語者此被火氣逼劫汗亡腎陽下寒而上熱故
也陽敗溼增木鬱不能疏泄小便必難以強責少陰之汗也若
少陰病但手足厥逆無汗而強發之必動其血血來未知從何
道出或從鼻口或從目出是名下厥上竭至為難治以陽從汗
亡後自血脫竭盡無餘未易挽救也

少陰裏證

少陰病脈微細沉數此裏氣之寒不可發汗凡一見脈沉當急

湯之宜四逆湯也者脈既沉矣再兼身體疼骨節痛手足寒冷
是水勝而土負宜附子湯參朮補中而培土苓附泄水而溫寒
苟藥清風木而斂相火也若得病二三日口中清和無土勝水
負口燥咽乾之證而其背惡寒者是寒水之旺以太湯少陰同
行脊背亦宜附子湯補火土而泄水也少陰以癸水而化君火
病則不化君火而化寒水水盛則生土而剋水水盛則滅火而
侮土陽明病者燥土剋水宜用承氣太陽病者寒水侮土宜用
真武以水之流溼其性然也故少陰負而陽明勝則爲順少陰
勝而太陰負則爲逆土旺於四季少陰手足之逆冷者水勝土
負脾胃寒溼不能行氣於四肢也

附子湯

附子二枚

茯苓

人參

七錢

白朮

四錢

芍藥

一兩

水八杯煎三杯溫服一杯日三服

咽痛

病人脈尺寸俱緊是表裏皆寒法當無汗反汗出者陽亡而不
守也此屬少陰藏病必當咽痛而復吐利以少陰水旺土溼升
降倒行胃逆而賊於甲木則爲嘔吐脾陷而賊於乙木則爲泄
利甲木上衝濁氣壅塞是以咽痛也凡少陰病二三日咽痛者
可與甘草湯泄熱而緩迫急也不差者與桔梗湯散結而下衝
逆也咽喉疼痛率因濁氣衝逆不降宜半夏湯散半夏降其濁
桂枝下其衝也若咽喉生瘡不能言語聲音不出者是濁氣衝
逆傷其上竅也宜苦酒湯半夏降其濁苦酒降其腫雞子發其
聲也若上病咽痛下病泄利胸滿而心煩者以膽胃上逆咽
痛胸滿肝脾下陷故泄利宜豬膚湯豬膚白蜜潤燥而清

傷寒論
名方
熟而止痛白紛收滑脫而止泄利也

甘草湯

甘草 七錢

水三杯煎一杯半溫服一杯日二服

桔梗湯

桔梗 三錢五分 甘草 七錢

水三杯煎一杯分溫再服

半夏散

半夏 桂枝 甘草 等分

右研末和飲服方寸七日三服若不能服散用水一杯煎七沸入散兩方寸七煎三沸下火令小冷少少嚥之

皆酒散湯

半夏爲末調苦酒入去黃雞子殼中置刀環內安火上
令三沸去滓含咽不差更服

豬膚湯

豬支 五兩

水十杯煎五杯去渣入自蜜一杯自粉一兩七錢熬香
調和相得溫分六服 自粉卽鉛粉

吐利

少陰病飲食入口卽吐心下溫溫欲嘔復不能吐其始得之時
手足寒冷脈浮弦遲者此有痰涎在胸故食入卽吐而腐敗纏
緜陽衰土溼故四肢寒冷木鬱不達故脈浮弦遲敗濁在上不
可下也法當吐之若瀉上有寒飲乾嘔者陽敗胃逆不可吐也

急當瀉之宜四逆湯也凡欲吐不吐心煩欲寐五六日入自瀉

而渴者此屬少陰藏病也泄利亡津故引水自救若小便白色者則少陰病形悉具以陽亡土敗不能制水下焦虛寒故令小便白而不黃也若少陰病上吐下利手足厥冷煩躁欲死者是陽虛土敗脾陷胃逆神氣離根擾亂不寧宜吳茱萸湯溫中補土降清濁也若少陰病二三日不已以至四五日腹痛小便不利四肢沉重疼痛自下利者此陽衰土溼不能逐水化氣水穀並下注於二腸脾土溼陷抵遏乙木止其升達之氣木鬱下剋而水道不通故後衝二腸而爲泄利木氣梗塞不得順行故攻突腹中而爲痛四肢秉氣於脾土陽衰溼旺流於關節四肢無陽和之氣濁陰凝滯故沉重疼痛其人或咳或嘔小便或利或不利總是少陰寒水浸侮脾胃之故宜真武湯茯苓附子泄水而驅寒白朮生薑培土而止嘔芍藥清風木而止痛也

真武湯

茯苓 一兩 白朮 七錢 附子 一枚 芍藥 一兩 生薑 一兩

水八杯煎二杯溫服 大半杯日三服若欬者加五味子

一兩七錢細辛乾薑三錢五分若小便利者去茯苓若

下利者去芍藥加乾薑若嘔者去附子加生薑其前三

兩八錢

下利

少陰病其脈微瀼嘔而汗出者必病下利以胃逆則嘔胃逆則
陽泄而不藏是以汗出胃逆為嘔則脾陷為利此法當泄利不
止而乃泄利反少者是脾陽續復不必溫下當溫其上緣其過
嘔傷胃汗出亡陽也宜灸之以回胃陽若少陰下利六七日復
欬嘔並作燥渴心煩不得眠睡者是陽敗土涇脾肝鬱陷下為

泄利膽胃衝逆上爲欬嘔渴煩眠食俱廢宜猪苓湯二苓滑澤
泄水而燥土阿膠滋木而清風也若四肢逆冷或欬或悸小便
不利或腹中疼痛或泄利下重者是水土浮寒木鬱欲泄宜四
逆散甘草枳實補土而泄溼鬱柴胡芍藥疏木而清風燥也

四逆散

甘草

枳實炙

柴胡

芍藥等分

右研細末白飲和服方寸匕若欬者加五味子乾薑十
分之五並主下利悸者加桂枝十分之五小便不利者
加茯苓十分之五腹中痛者加附子一枚泡泄利下重
用小五杯入薤白三杯煮三杯以散三方寸匕內湯中
煮取杯半分溫再服

下利脉微

少陰病手足厥逆下利清穀脉微欲絕裏寒外熱身反不惡寒
面發赤色是水寒土溼經陽微弱鬱而不通也其人或腹痛或
咽痛或乾嘔或利止脉不出者宜通脉四逆湯薑甘溫中補土
附子煖水回陽服之其脉即出者寒溼內消經陽外達其病必
愈也下利脉微者陽虛脾弱經氣不通也宜白通湯薑附溫中
而回陽葱白通經絡而復脉也若下利脉微者與白通湯下利
不止厥逆無脉乾嘔而心煩者此水寒土溼脾陷胃逆經脉不
通而膽火上炎也宜白通加猪膽汁湯薑附回陽葱白通經人
尿猪膽清其上炎之相火服後脉暴出者死陽氣絕根而外脫
也微續者生陽氣未斷而徐回也

通脉四逆湯

甘草七錢 乾薑一兩 附子大者一
炙 兩強人可 生用

水二杯煎杯半分溫服面色赤者加葱九莖腹中痛者
去葱加芍藥七錢嘔者加生薑七錢咽痛者去芍藥加
桔梗三錢五分利止脉不出者去桔梗加人參三錢半

白通湯

葱白四莖 乾薑三錢五分 附子一枚

水二杯煎一杯分溫二服

白通加豬膽汁湯

於白通湯內加人尿半杯豬膽汁一七

水三杯煎一杯去渣入膽汁人尿和勻分溫二服

使膿血

少陰病二三日以至四五日腹痛小便不利下利不止以致日
久而便膿血者此水土溼寒脾陷肝鬱而爲痛泄亡木不達血

必下痢以血司於肝肝溫則升而寒則陷陷而不升溼氣鬱腐
故化爲膿宜桃花湯乾薑溫中粳米培土石脂斂腸而止泄也
凡少陰病下利便膿血者悉因溼寒滑泄概宜桃花湯少陰水
盛則肢體寒冷是其常也若八九日後忽然一身手足盡熱者
此水寒不生肝木木陷而生鬱熱傳於膀胱膀胱失藏而乙木
欲泄必便血也

桃花湯

乾薑

一兩

赤石脂

五兩

六錢

粳米

三兩

四錢

水七杯煮米熟用湯大半杯人石脂末方寸七口三服

一服愈餘勿服

死證

少陰病脈微細沈伏但欲臥寐汗出不煩自欲嘔吐是水盛火

衰胃逆而陽泄也至五六日又見自利復煩躁不得臥寐者則脾腎寒泄陽根上脫必主死若吐利煩躁再加四肢逆冷者更無生理也若四肢逆冷踰臥惡寒其脈不至不煩而躁者亦必死也凡少陰病踰臥惡寒而下利手足逆冷者皆不治也若下利雖止而頭上眩暈時時昏冒者此傷氣拔根欲從上脫必主死也若六七日後漸覺息高者陽根已斷升浮不歸必主死也

陽復

少陰病上下吐利而手足不逆冷身反發熱者是中氣未敗微陽欲復不至死也其脈不至者灸少陰之經穴七壯以回陽根或以溫藥煖水迴經則脈至矣若踰臥惡寒時而自煩欲去衣被者是陽氣欲復病可治也若踰臥惡寒而下利自止手足溫暖者是陽氣求復病可治也若寒盛脈緊至七八日忽自自利

脉候暴微緊象反去手足反溫者是寒去陽回保無後慮雖煩而不利必能白愈也

土勝水負

少陰腎水甚不宜旺旺則滅火而侮土土勝而水負則生水勝而土負則死以陽主生而陰主死也少陰不病則已病則水必勝而土必負凡諸死證皆死於水邪泛濫火滅而土敗也故陽明負於少陰則爲逆少陰負於陽明則爲順若得之二三日以上心中煩擾不得臥寐是土勝而水負燥土消其心液也腎水根於離陰心液消爍則陰精枯燥不能藏神故火泄而煩生宜黃連阿膠湯連芩芍藥泄火而除煩雞子阿膠澤土而潤燥也少陰寒水之藏無始病溼寒終變燥熱之理此陽明之燥傷及少陰者也

黃連阿膠湯

黃連

一兩四錢

黃芩

三錢五分

芍藥

七錢

雞子黃

二枚

阿膠

一兩

水五杯先煎三味取一杯去渣入阿膠消化稍冷入雞

子黃和勻溫服大半杯日二服

急下三證

土勝之極則成下證若得之二三日日燥咽乾者是土燥而水
虧失期不下水涸則死當急下之宜大承氣湯若自利清水其
色純青心下疼痛口中乾燥者是土燥水虧傷及肝陰當急下
之宜大承氣湯若六七日腹脹而不大便者是土燥水虧傷及
脾陰當急下之宜大承氣湯少陰病水旺火熄土敗人亡故少
陰宜負而陽明宜勝但少陰不可大負陽明不可太勝太勝則
燥土剋水精液消亡亦成死證故當急下此即陽明之急下三

陰以病在陽明亦在小陰兩經並其
二經之本病也

... ..

... ..

... ..

... ..

... ..

... ..

... ..

... ..

... ..

... ..

... ..

... ..

昌邑黃元御坤載著

厥陰經

提綱

厥陰以風木

土令其經起足大指循內跗由內踝過陰器抵小

腹上胸膈布

胸肋循喉嚨之後連目系與督脈會於巔太陽經

病不解日傳

一經以至陽明少陽太陰少陰六日傳厥陰之經

六經盡矣若

傳厥陰之經不入厥陰之藏則經盡表解自能

汗愈緣營衛

營過經脈莫容既無內陷之路自然外發也此雖

傳厥陰之經

而厥陰之厥熱吐利諸證則概不發作其諸證發

作者是藏病而非經病也入藏則出入莫必吉凶難料陰勝則

內傳而傳無定日陽復則外解而解無定期陰勝則為死機陽

復則爲生兆厥熱勝負之間所關非小也

厥陰烏梅丸證

厥陰風木生於寒水而胎君火水陰而火陽陰盛則下寒陽盛則上熱風動火鬱津液消亡則生消渴木性生發水寒土溼生氣抑遏鬱如衝擊則心中疼痛木鬱賊土脾陷則胃逆故飢不欲食食下不消胃氣愈逆是以吐衄下之腸亡脾敗五六

隨泄則下利不止也陰之盛極者則手足厥逆厥而吐必是謂以厥傷寒脈微而厥至七八日皮膚寒冷其人躁擾無暫安之時者此爲藏厥非吐衄也吐衄者其人當吐衄蟲今病者有時安靜有時煩亂吐衄蟲得溫而安須臾煩止及其得食胃寒不消氣逆作嘔衝動吐衄蟲不安是以又煩煩則隨吐而出故當自吐衄吐衄者宜烏梅丸烏梅杜枝斂肝而疏木乾薑細辛

温胃而降逆人參温中而培土當歸滋木而清風椒附煖其寒
水連柏泄其相火也

烏梅丸

又主久同

烏梅

二百枚

細辛

二兩

乾薑

三兩

人參

二兩

桂枝

一兩

當歸

一兩

川椒

一兩

附子

二兩

黃連

五兩

黃柏

二兩

右研末和勻醋浸烏梅一宿去核用米五碗蓋之蒸

大食前服十丸稍加至二十九丸禁生冷粘滑臭穢諸物

厥熱勝負

手足逆冷則名為厥其所以厥者以其陽上而不下陰下而不
上不相順接之故也不順則逆故曰厥逆蓋四肢秉氣於脾胃
脾胃者陰陽升降之樞軸脾升胃降陰陽交濟土氣温和故四

肢不冷脾胃虛敗升降失職腎水下陷心火上逆陰陽分析不相順接之由也厥陰肝木水火之中氣陰勝則從母氣而化寒陽復則從子氣而化熱心火既復則發熱心火未復則腎水方盛而爲厥諸凡四肢厥冷者是寒水方旺之時不可下之他如虛損之家陽虧陰勝亦同此法也厥陰之極生陽陰極則厥陽復則熱傷寒之一二日至四五日陰極而發厥者此後陽復必然發熱及其發熱則後必又厥以陰陽之理不能長盛而無負也其前之厥深者後之熱亦深前之厥微者後之厥亦微方其厥之將終而熱之將作應當下之以泄未炎之火而反發汗以傷津血必心火升炎而口傷爛赤也陰盛發厥原不可下厥將罷而熱欲來則又可下不使寒熱迭發勝負循環以傷正氣也大抵陰盛而發厥者五日則陽復而發熱亦必五日設至六日

當復厥其不厥者則陰退而自愈以厥證始終不過五日今熱
又五日勝負相應而不見再厥是以知其必愈也若發厥四日
而熱反三日後日發厥復至五日則其病爲進以其寒多熱少
陽氣退敗故爲病進也若發熱四日厥反三日復熱四日寒少
熱多陽氣漸長其病當愈陽長陰消自是吉事而陽長不可太
過若發熱四日以至七日而其熱不除者是陽氣過長熱盛之
極必鬱蒸陰分而使膿血也

陰陽消長

傷寒熱少厥微其厥第覺指頭寒冷是熱退陰復也但默默不
欲飲食而時覺煩躁此熱猶未除也遲至數日小便利而色白
者方是熱除也除則煩退而欲食其病爲愈也若厥而作嘔胸
脇煩滿者此甲木之衝逆甲木既逆乙木必陷陷而生風疏泄

其藏其後必便血也熱除則病愈而不宜全除如傷寒脈遲六
七日後反與黃芩湯盡徹其熱脈遲爲陰盛今與黃芩湯復除
其熱脈中寒治應不能食而反能食此名除中中氣除根而居
膈上故暫能飲食必主死也若其始發熱六日厥反九口而下
見泄利是熱少寒多陰進而陽退也凡陰盛而厥利者當不能
食若反能食者恐爲除中觀其食已素餅不發暴熱者知其胃
氣尚在未嘗外除必當自愈蓋厥利而能食必是陽復而發熱
陽復之熱續在而不去除中之熱暴來而暴去恐其厥後之熱
暴來而復暴去便是除中之病迨後三日脈之其熱續在者是
前暴來而後非暴去期之旦日夜半必愈以先發熱六日厥反
九日復發熱三日並先之發熱六日亦爲九日厥熱均平日期
相應此陽已長而陰不進故期之且日夜半必愈若後三日脈

之而脉仍見數其熱不罷者此陽長之太過熱氣有餘必鬱蒸
血肉而發癰膿也凡見厥逆必病下利後見發熱則陽復利止
再見厥逆必當復利若厥後發熱利止陽復當愈而反汗出咽
痛者此陽復之太過內熱鬱蒸外開皮毛而上衝喉嚨其喉必
痺寒也如發熱無汗是陽不上行下焦溫暖利必自止若下利
不止是陽復之太過積熱下鬱必傷陰分而便膿血便膿血者
熱不上衝其喉不痺也

陰勝

傷寒脉促手足厥逆者血寒經鬱宜灸之以通經而煖血也若
手足厥冷而脈細欲絕者營血寒清而經絡凝滯也宜當歸四
逆湯加甘草大棗補其脾補當歸芍藥滋其營血桂辛通草行其
經絡也而根實由於藏府若其人內有陳寒者宜當歸四逆加

吳茱萸生薑湯溫凝寒而行滯氣也若手足厥冷心下煩滿飢不欲食而脈乍緊者此敗濁結在胸中以陽衰土溼胃氣上逆肺金湮鬱而化痰涎濁氣壅塞上脘不開故心下煩滿飢不能食當吐其敗濁宜瓜蒂散也方在太陽若手足厥冷胸膈不結而少腹脹滿按之疼痛者此積冷之邪結在膀胱關元也若傷寒五六日上不結胸而下亦腹濡此內無冷結乃脈虛使然而復厥逆者此經血亡失溫氣消滅下之溫氣無餘則人死矣

當歸四逆湯

當歸一兩芍藥一兩桂枝一兩甘草七錢通草七錢

大棗二十枚細辛一兩

水八杯煎三杯溫服一杯日三服

當歸四逆加吳茱萸生薑湯

於前方加吳茱萸三兩四錢生薑二兩八錢

水六杯清酒六杯前五杯溫分五服

泄利

傷寒手足厥逆而心下動悸者是水阻胃曰陽氣不降也當先
治其水宜茯苓甘草湯泄水補土乃治其厥不然水漬入胃土
溼木鬱疏泄後門必作泄利也若傷寒四五日腹中疼痛此脾
土溼陷肝木鬱衝如氣轉雷鳴而下趨少腹此木鬱不能上達
下衝後門必作泄利也泄利之證水寒土溼木鬱不達脈候弦
大者陽氣之虛也此以下泄脾陽陷邊脾氣之故設脈再兼浮
車因而腸鳴者此泄利傷肝之陽血冷木枯菟結不榮宜當歸
四逆溫營血而達木鬱益血藏於肝其性溫升利亡血中溫氣
升氣不遂女脈浮大虛空如鼓上之皮也若大汗或大下泄利

而厥冷者陽亡土敗木鬱後泄宜四逆湯以
出後外熱不去腹內拘急四肢疼痛又泄利
此亦陽亡土敗木鬱後泄宜四逆以回陽氣也若下利清穀裏
寒外熱汗出而厥逆者此陽亡於裏而外鬱於經宜通脈四逆
通經而回陽也若發汗而見厥逆至於七日假陽不復而再加
下利者陽氣攻泄此為難治也

嘔吐

傷寒傳厥陰之經水寒土溼木鬱後泄自必下利醫復吐下以
亡其陽寒邪中格肝脾已陷而為利膽胃逆更而為嘔甚至飲
食入口即吐者此甲木逆行相火升炎而上熱也宜乾薑黃連
黃芩人參湯參薑補中而溫寒芩連清上而泄熱也若無物乾
嘔吐涎沫而頭痛者是中寒胃逆濁氣壅上而津液凝滯也宜

吳茱萸湯溫中補土降逆而止嘔也若嘔家有癰膿者癰膿腐敗動其惡心不必治嘔癰平膿盡自然愈之也若傷寒其七日六下之後寸脈沈遲尺脈不至咽喉不利嘔吐膿血毛足痲逆泄利不止者是下傷中氣風木鬱陷賊脾土而爲泄利相火衝逆刑肺金而爲膿血此最難治宜麻黃升麻湯薑甘苓朮溫燥水七石膏知母天冬萎蕤清潤築金當歸芍藥桂枝黃芩滋榮木升麻利其咽喉麻黃泄其皮毛也凡嘔而脈弱身有微熱四肢厥逆而小便復利者此七敗胃逆微陽不歸最爲難治宜四逆湯以溫中下也

乾薑黃連黃芩人參湯

乾薑一兩 人參一兩 黃芩一兩 黃連一兩

水六杯煎三杯分溫再服

麻黃升麻湯

麻黃 四錢 升麻 四錢 萎蕤 四錢 石膏 八分碎 知母 二錢

天冬 八錢 當歸 四錢 芍藥 八分 黃芩 二錢 桂枝 八錢

茯苓 八分 甘草 八分 乾薑 八分 白朮 八分

水十杯煎三杯分三服相去如着一斗米頃服盡汗出

愈

死證

傷寒發熱而下利厥逆不止者土敗木鬱中氣脫陷必主死也

若傷寒六七日不利忽發熱下利汗出不止者表裏脫亡微陽

消滅必主死也若厥逆下利而發熱煩躁不得臥寐微陽脫泄

必主死也若厥逆下利而脈又微細或按之絕無灸之手定不

溫與脈不還反煩躁或微喘者是陷者不舉而逆者不四中氣

斷絕必主死也。若厥逆下利，利後脈絕，倘時脈還而手足溫者，陽氣欲復，其生可望。如脈絕不還，手足不溫，則陽無復，誠必主死也。若下利日十餘行，陽則陰長，其脈當虛而反實者，是胃氣消亡，厥陰真藏脈見，必主死也。

陽復

下利脈沈而弦者，是肝氣之鬱陷，必主下重。若沈弦而大者，是未陷而下鬱，其下利未能止也。若脈微弱而數者，是肝邪將退而脾陽欲復，利將自止也。雖陽復而見發熱，然內有復機不至死也。若下利清穀，脈沈而遲，是陰盛陽負，乃面色少赤，身有微熱，是陽氣欲復，陷於重陰之中，力弱不能遽發，鬱於皮膚，是以身熱而面赤。陽欲通而陰邪障蔽，不合其通，陰陽搏戰，必將鬱冒昏迷而後蓄極而通，汗出而利止也。方其鬱冒欲汗之時，必

微見厥逆以面赤是爲戴陽戴陽者陽根下虛不能透發羣陰外蔽故四肢逆冷也凡下利脈微數有微熱而汗出此陽氣生發可令自愈設脈復緊者則陽邪蔽束其愈未能也若下利脈數而內躁發渴者此陽回溼去可令自愈設下利不差則陽回而熱陷必便膿血以其鬱熱傷陰之故也若下利而尺脈浮數是陽氣已復而過旺尺中自濇則肝血鬱陷而蒸腐必便膿血也凡下利身有微熱而又發渴燥者是陽回而溼去若脈復微弱而不甚數大者必無熱過而便膿血之理可令自愈也下利而渴欲飲水者以其陽回也有熱也宜白頭翁湯白頭翁泄其相火黃連泄其君火黃柏秦皮泄其肝火也大抵厥陰之病渴欲飲水者皆陽復而熱生可水少與水潤其乾燥自能愈也若熱利下重者則肝木鬱陷而生下熱宜白頭翁湯清其肝火也

若下利而譫語者是本鬱生熱傳於胃府燥矢下阻胃熱莫泄燥熱重心神明擾亂故作譫語宜小荳氣湯下其燥矢也若下利之後便覺心煩按之而心下柔濡者此胃無燥矢淫氣湮鬱而生虛煩也宜梔子豉湯吐其敗濁則煩去矣

日頭翁湯

白頭翁 二兩 黃連 一兩 黃柏 一兩 秦皮 一兩

水七杯煎二杯溫服一杯不愈再服

跋

壬辰冬之謁張翰風夫子於陶署語及岐黃學夫子曰昌邑黃坤載先生醫術仲景而後一人也乾隆間四庫館中收纂諸臣知醫者寡故其書雖已著錄而卒未顯子其爲我訪求未刻之書以來毅識之於心不敢忘蓋是時夫子已刻黃氏書四五

種凡數十萬言矣次年毅設帳深南以語陳孝廉元固謂其友
宋若有黃氏傷寒說意抄本因走伴借觀書未至而夫子沒哲
嗣仲遠復申夫子遺命求黃氏之書一爲周易懸解一爲四聖
懸樞一卽傷寒說意也然殺能以此書寄仲遠值夫子柩將返
葬至無以爲旅資且行李已百塗故仲遠諄諄以改鈔相屬毅
諾之甲午春讀禮之暇率及門季董兩生併日繕成復加校讎
擬卽付諸剞劂氏益敬以卒翰風夫子之志而成仲遠之賢且
以彰黃氏之絕業起世人之沉疴而並以望夫好善之人終能
以四聖懸樞周易懸解等書見示也道光十四年甲午三月下
浣趙汝毅謹跋

